

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE

Broj:
Bihać, 15.04.2019.godine

PREDMET: Prijedlog Odluke o objavljivanju Javnog oglasa za imenovanje člana Gradske
izborne komisije Bihać, dostavlja se.-

Na osnovu člana 140. Poslovnika Gradskog vijeća Bihać („Službeni glasnik Grada
Bihaća“, broj 3/16), predsjedavajući Gradskog vijeća,

O D R E Đ U J E

Izvjestioca: Davora Župu, predsjednika Statutarne komisije, na sjednici Gradskog
vijeća i po radnim tijelima, po prijedlogu tačke dnevnog reda:

PRIJEDLOG ODLUKE O OBJAVLJIVANJU JAVNOG OGLASA ZA IMENOVANJE ČLANA GRADSKO IZBORNE KOMISIJE BIHAĆ

Predsjedavajući Gradskog vijeća
Davor Župa

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE
Statutarna komisija

Broj:
Bihać, 15.10.2019.godine

Gradsko vijeće Bihać

PREDMET: Prijedlog Odluke o objavljivanju Javnog oglasa za imenovanje člana Gradske izborne komisije Bihać, dostavlja se.-

Na osnovu člana 64. stav (2) alineja c) i člana 140. alineja c) poslovnika Gradskog vijeća Bihać („Službeni glasnik Grada Bihaća“, broj 3/16), Statutarna komisija, Gradskom vijeću dostavlja prijedlog Odluke o objavljivanju Javnog oglasa za imenovanje članova Gradske izborne komisije.

O b r a z l o ž e n j e

Pravni osnov

Pravni osnov za donošenje predložene Odluke o objavljivanju Javnog oglasa za imenovanje člana Gradske izborne komisije sadržan je u članu 2.12 stav (5) Izbornog zakona Bosne i Hercegovine („Službeni glasnik BiH“, broj 23/91, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), kojim je propisano da članove općinske / gradske izborne komisije imenuje općinsko / gradsko vijeće, uz saglasnost Centralne izborne komisije BiH, na osnovu Javnog oglasa po proceduri koju utvrđuje Centralna izborna komisija BiH.

Pravni osnov za donošenje Odluke o objavljivanju Javnog oglasa za imenovanje člana Gradske izborne komisije sadržan je u članu 141. stav (2) Statuta Grada Bihaća („Službeni glasnik Grada Bihaća“, broj 13/15 i 13/18), kojim je utvrđeno da Vijeće, između ostalog, donosi i odluke.

Razlozi donošenja

Rješenjem Gradskog vijeća broj GV-05-11/19 od 31.01.2019.godine razrješen je dužnosti prije isteka mandata Damir Redžić, član Gradske izborne komisije Bihać, imenovan Dopunskim rješenjem Gradskog vijeća Bihać broj GV-05-21 od 20.03.2018.godine.

Centralna izborna komisija BiH je rješenjem broj 06-1-07-1-65/19 od 13.03.2019.godine dala saglasnost na Rješenje Gradskog vijeća Bihać broj GV-05-11/19 od 31.01.2019.godine, kojim je dužnosti u članstvu Gradske izborne komisije Bihać, razrješen Damir Redžić, kao član.

Kako je Centralna izborna komisija Bosne i Hercegovine donijela Uputstvo o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj 15/17, 60/17 i 10/18), u kojem je propisana procedura za imenovanje članova izbornih komisija, kao i radnje koje se moraju poduzeti u cilju dobijanja saglasnosti na odluku o imenovanju članove izborne komisije od strane Centralne izborne komisije BiH, te uzimajući u obzir činjenicu da je član Gradske izborne komisija Bihać razriješen prije isteka mandata, stekli su se zakonom propisani uslovi za donošenje predložene Odluke.

Sastavni dio predložene Odluke je Javni oglas za imenovanje člana gradske izborne komisije.

Predloženi tekst Javnog oglasa je usklađen sa odredbama Izbornog zakona Bosne i Hercegovine, kao i odredbama naprijed citiranog Uputstva kada su u pitanju: mandat na koji se imenuje član komisije, opći i posebni uslovi koje kandidati za člana izborne komisije moraju ispunjavati, razlozi radi kojih se lice ne može kandidirati, dokumentacija koja se prilaže uz prijavu na Javni oglas, nadležni organ za provođenje postupka i predlaganje rang liste sa redoslijedom kandidata prema uspjehu postignutom na intervju, nadležni organ za donošenje konačne odluke o imenovanju člana izborne komisije i nadležni organ za davanje saglasnosti na odluku o imenovanju, obaveza objavljivanja Javnog oglasa, rok za podnošenje prijave i adresa organa kojem se prijave podnose.

Komisija za izbor i imenovanje će po objavljenom Javnom oglasu provesti postupak u skladu sa odredbama Izbornog zakona BiH i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini.

Nakon provedenog postupka, Komisija za izbor i imenovanje je obavezna da prilikom sačinjavanja rang liste uspješnih kandidata, osigura dosljednu primjenu člana 2.14 stava (1) Izbornog zakona BiH, koji propisuje da je sastav izborne komisije multietičan, te da će, u pravilu, odražavati ravnopravnu zastupljenost spolova.

Slijedom naprijed iznijetog, predmetna Odluka dostavlja se Gradskom vijeću na razmatranje sa prijedlogom da se usvoji u predloženom tekstu, kako bi se stekli uvjeti za raspisivanje Javnog oglasa i provođenje procedure imenovanja člana Gradske izborne komisije Bihać.

Finansijska sredstva

Za provođenje ove Odluke potrebna su finansijska sredstva i ista su obezbijeđena u Budžetu Grada za 2019.godinu.

Predsjednik Statutarne komisije
Davor Župa

Obradivač akta:

Elvira Kulenović, dipl.pravnik

Prilog:

- Prijedlog Odluke i tekst Javnog oglasa
- rješenje Gradskog vijeća broj GV-05-11/19 od 31.01.2019.god.
- rješenje Centralne izborne komisije BiH broj 06-1-07-1-65/19 od 13.03.2019.god.

Na osnovu člana 2.12 stav (5) Izbornog zakona Bosne i Hercegovine („Službeni glasnik Bosne i Hercegovine“, broj 23/91, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 15/17, 60/17 i 10/18), te člana 35. tačka c) Statuta Grada Bihaća („Službeni glasnik Grada Bihaća“, broj 13/15 i 13/18), Gradsko vijeće Bihać na 33. sjednici, održanoj dana _____2019.godine, donosi

ODLUKU

o objavljivanju javnog oglasa za imenovanje člana
Gradske izborne komisije Bihać

Član 1.

(1) Donosi se Odluka o objavljivanju Javnog oglasa za imenovanje 1 (jednog) člana Gradske izborne komisije Bihać.

(2) Sastavni dio ove Odluke je tekst Javnog oglasa za imenovanje člana Gradske izborne komisije Bihać.

Član 2.

Postupak po objavljenom Javnom oglasu, u skladu sa odredbama Izbornog zakona Bosne i Hercegovine i Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini, provodit će Komisija za izbor i imenovanje, koju je imenovalo Gradsko vijeće Bihać rješenjem broj GV-05-8159/16 od 30. novembra 2016. godine i rješenjem broj GV-02-211/18 od 24.12.2018. godine, i to u sastavu:

1. Zulfikar Handukić, predsjednik
2. Adnan Habibija, zamjenik predsjednika
3. Ahmed Fatkić, član
4. Edin Felić, član
5. Damir Pečenković, član.

Član 3.

Komisija za izbor i imenovanje u svom radu dužna je pridržavati se odredaba Izbornog zakona Bosne i Hercegovine uz dosljednu primjenu odredaba člana 2.14 stav (1) koje se

odnose na multietični sastav Gradske izborne komisije odnosno ravnopravnu zastupljenost spolova.

Član 4.

Kandidati za člana Gradske izborne komisije Bihać pored općih uvjeta iz člana 2.2 stav (1) i (2) Izbornog zakona Bosne i Hercegovine moraju ispunjavati i posebne uvjete propisane članom 2. i 3. Uputstva iz člana 2. ove Odluke.

Član 5.

Zadužuje se Komisija za izbor i imenovanje da, prije zaključivanja Javnog oglasa, utvrdi kriterije i pravila za ocjenjivanje kandidata koji će pristupiti intervjuu.

Član 6.

Javni oglas iz člana 1. ove Odluke objavit će se najmanje u jednom od dnevnih listova koji izlaze na području Bosne i Hercegovine i na web stranici Grada Bihaća.

Član 7.

Ova Odluka stupa na snagu sljedećeg dana od dana objavljivanja u Službenom glasniku Grada Bihaća.

Gradsko vijeće

Broj: GV-_____

Bihać, _____ 2019.godine

Predsjedavajući Gradskog vijeća

Davor Župa

Na osnovu člana 2.12. stav (5) Izbornog zakona Bosne i Hercegovine (Službeni glasnik Bosne i Hercegovine“, broj 23/91, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 15/17, 60/17 i 10/18) i Odluke o objavljivanju Javnog oglasa za imenovanje člana Gradske izborne komisije Bihać („Službeni glasnik Grada Bihaća“, broj 04/19), Gradsko vijeće Bihać, raspisuje

JAVNI OGLAS

za imenovanje jednog člana Gradske izborne komisije Bihać

I

(1) Gradsko vijeće Bihać raspisuje Javni oglas za imenovanje jednog člana Gradske izborne komisije Bihać (u daljem tekstu Gradska izborna komisija).

(2) Člana Gradske izborne komisije imenuje Gradsko vijeće Bihać uz saglasnost Centralne izborne komisije Bosne i Hercegovine, na period od 7 godina odnosno do isteka mandata već imenovanih članova Gradske izborne komisije Bihać.

II

Kandidat za člana Gradske izborne komisije mora ispunjavati slijedeće opće uslove:

- a) da je lice sa pravom glasa;
- b) da je lice sa odgovarajućom stručnošću i iskustvom u provedbi izbora.

III

(1) Pored općih uslova iz tačke II, lice koje je kandidat za člana Gradske izborne komisije mora ispunjavati i slijedeće posebne uslove:

- a) da ima prebivalište na području grada Bihaća;
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS;
- c) da posjeduje iskustvo u provođenju izbora.

(2) Pod iskustvom u provođenju izbora podrazumijeva se:

- a) članstvo u izbornoj komisiji i
- b) članstvo u biračkom odboru na izborima obuhvaćenim Izbornim zakonom BiH.

(3) Izuzetno od odredbe iz tačke III stav (1) alineja a) ovog Javnog oglasa, član izborne komisije može biti lice sa prebivalištem iz druge općine, ukoliko nema kandidata sa prebivalištem u Gradu Bihaću, koji ispunjavaju uslove tražene Javnim oglasom;

(4) Izuzetno od odredbe iz tačke III stav (1) tačka c) Javnog oglasa, član izborne komisije može biti lice koje ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja s najmanje 180 ETCS, bez izbornog iskustva propisanog stavom (2) ovog člana;

(5) Izuzetno od odredbe iz tačke III stav (1) tačka b) Javnog oglasa, član izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja ima manje od 1.000 birača upisanih u Centralni birački spisak ili ako je potrebno ispoštovati odredbe člana 2.14 stav (1) Izbornog zakona BiH ili ukoliko nema kandidata koji ispunjavaju uslove iz tačke 3. stav (1) alineja b) ovog oglasa.

IV

(1) Sastav Gradske izborne komisije je multietičan, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

(2) Sastav Gradske izborne komisije osigurat će ravnopravnu zastupljenost spolova u skladu sa Zakonom o ravnopravnosti spolova u Bosni i Hercegovini.

V

U skladu sa članom 2.3 Izbornog zakona Bosne i Hercegovine, za člana Gradske izborne komisije ne može biti imenovano lice:

a) koje se ne može kandidirati u smislu člana 1.6, 1.7 i 1.7.a Poglavlje I Izbornog zakona Bosne i Hercegovine;

b) koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);

c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Poglavlje II Izbornog zakona Bosne i Hercegovine;

d) koje je kandidat za izbore za bilo koji nivo vlasti;

e) kojem je izrečena kazna za radnju koja predstavlja težu povredu izbornog zakona ili propisa, za koju je lično odgovoran, u posljednje četiri godine, računajući od dana pravosnažnosti odluke.

VI

Za člana Gradske izborne komisije ne može biti imenovano ni lice:

a) koje je zastupnik ili punomoćnik političkog subjekta koji učestvuje na izborima;

b) koje je pravosnažnom sudskom presudom osuđeno na kaznu zatvora u trajanju od 6 mjeseci ili duže.

VII

(1) Kandidati su dužni po ovom Javnom oglasu priložiti slijedeću dokumentaciju:

a) prijava na Javni oglas za imenovanje članova Gradske izborne komisije Bihać sa kraćom biografijom i ličnim podacima kandidata (ime, prezime, jedinstveni matični broj, adresa, broj telefona za kontakt);

b) fotokopija lične karte;

c) dokaz o stručnoj spremi kandidata za člana izborne komisije odnosno ovjerenu diplomu o stečenoj stručnoj spremi. Ukoliko je diploma stečena nakon 6.aprila 1992.godine, u inostranstvu, dostavlja se i dokaz o izvršenoj nostrifikaciji diplome, osim u slučaju kada postoje potpisani sporazumi između Bosne i Hercegovine i drugih zemalja o uzajamnom priznanju diploma;

d) dokaz o izbornom iskustvu kandidata za člana izborne komisije u smislu tačke III stav (2) alineja a) i b) Javnog oglasa, osim u slučaju koji je utvrđen tačkom III stav (4) ovog Oglasa. Dokaz o izbornom iskustvu u smislu tačke III. stav (2) alineja a) i b) Javnog oglasa, mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;

e) obrazac PBA-3 o prebivalištu kandidata (ne starije od tri mjeseca, od dana izdavanja od strane nadležnog organa);

f) izjavu o nacionalnom izjašnjenju kandidata za člana izborne komisije sa posljednjeg popisa stanovništva u BiH, svojeručno potpisanu i ovjerenu kod nadležnog organa;

g) izjavu kandidata za člana izborne komisije da nije obuhvaćen odredbama člana 2.3 Izbornog zakona BiH, svojeručno potpisanu i ovjerenu od strane nadležnog organa, u skladu s tačkom V oglasa,

h) svojeručno potpisanu i kod nadležnog organa ovjerenu izjavu kandidata za člana izborne komisije o nepostojanju smetnji iz člana 2.12 stav (7) Izbornog zakona BiH odnosno tačke VI ovog oglasa.

(2) Dokumenti koji se dostavljaju kao dokaz o ispunjavanju uslova iz ovog javnog oglasa mogu biti originali ili ovjerene fotokopije.

VIII

(1) Komisija za izbor i imenovanje će provesti postupak propisan članom 7.c) Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj 15/17, 60/17 i 10/18), sačiniti rang list sa redoslijedom kandidata prema uspjehu postignutom na intervjuu i

istu dostaviti Gradskom vijeću Bihać, uz dosljednu primjenu odredaba člana 2.14 stav (1) Izbornog zakona Bosne i Hercegovine, a koja se odnosi na multietičnost i ravopravnu zastupljenost spolova.

(2) Predmet intervjua će biti poznavanje Izbornog zakona Bosne i Hercegovine.

(3) Gradsko vijeće Bihać će, cijeneći položaj kandidata na rang listi, donijeti rješenje o imenovanju člana Gradske izborne komisije i isto dostaviti na saglasnost Centralnoj izbornoj komisiji Bosne i Hercegovine.

(4) Mandat člana Gradske izborne komisije teče od dana davanja saglasnosti Centralne izborne komisije Bosne i Hercegovine na rješenje o imenovanju člana izborne komisije odnosno do isteka mandata imenovanim članovima GIK.

IX

Ovaj Javni oglas objavit će se u dnevnom listu „Oslobođenje“, web stranici Grada i „Službenom glasniku Grada Bihaća“.

X

Rok za podnošenje prijave je 8 dana od dana objavljivanja javnog oglasa u dnevnom listu iz tačke IX ovog oglasa.

XI

(1) Prijave na javni oglas sa propisanom dokumentacijom dostavljaju se u zatvorenoj koverti sa naznakom „Javni oglas za imenovanje člana Gradske izborne komisije Bihać – NE OTVARAJ“, i to neposredno putem Centra za pružanje usluga građanima ili poštom na adresu:

Grad Bihać – Gradsko vijeće – Komisija za izbor i imenovanje
Ulica Bosanska broj 4, 77000 Bihać

(2) Nepotpune i neblagovremene prijave neće se uzeti u razmatranje.

Predsjedavajući Gradskog vijeća
Davor Župa